



STRAATWERK

# Inleiding

## Visie

Die liggaam van Christus in aksie.

## Missie

Om gemeentes op 'n professionele manier te ondersteun en te dien om dissipels van Jesus Christus te wees en te maak. Ons verstaan hierdeur dat ons direk op grondvlak by verskillende bedieninge betrokke is, terwyl ons gemeentes uitnooi, inspireer en toerus om hulle Godegewe roeping uit te leef.

## Oortuigings en waardes

Ons glo ons is geroep om:

- 'n sigbare Christen teenwoordigheid in die middestad van Kaapstad te wees;
- diensbaar te wees en nood te help verlig;
- te praat namens hulle wat nie self hul saak kan stel nie (*Spreuke 31:8-9*).

## Geskiedenis

Straatwerk het in die laat 1960's ontstaan. 'n Groep jongmense – met 'n gedeelde bekommernis oor diegene wat deur die samelewing verwerp is, wat stukkend en seer was, en gesmag het na liefde – het gereeld Vrydagaande bymekaargekom. Met 'n geleende kombi, 'n bak toebroodjies en 'n primusstofie het hulle die liefde van Christus gaan deel.

Vandag is Straatwerk 'n geregistreerde nie-winsgewende organisasie met 'n baie sterk evangelisasie fokus.

Straatwerk se werkerskorps weerspieël die ryke verscheidenheid van ons land se bevolkingssamestelling en verteenwoordig verskeie kerkdenominasies.

---

Iemand wat aan Christus behoort is 'n nuwe mens. Die oue is verby, die nuwe het gekom. Dit alles is die werk van God...

(2 Korintiërs 5:17, 18)





A large group of people, primarily young adults, are gathered on a grassy field under a clear blue sky. They are wearing high-visibility safety vests in various colors, including bright yellow, orange, and green. Many of the vests feature a circular logo with a cross and the letters 'JESUS' or 'JES'. Some individuals are also wearing caps and sunglasses. In the background, a fence and a road are visible, along with a few streetlights. The scene suggests a community event or a group activity.

# Kommunikasie

Straatwerk se kommunikasie-afdeling is daar om gelowiges in te lig en te inspireer om meer betrokke te raak by die wêreld rondom hulle.

## Preekbeurte by verskillende kerke

Op uitnodiging besoek ons kerke se eredienste om getuienis te deel en ook 'n visuele aanbieding oor Straatwerk te gee.

## Bekendstellings

Op uitnodiging besoek ons, onder andere, selgroepe, vrouegroepe, ouetehuise en skole, om hulle van Straatwerk se werkzaamhede te vertel. Vir voornemende medewerkers reël ons inligtingsaande waar ons in meer detail ons uitrike en programme met hulle deel.

## Nuusbrief

Elke twee maande stuur Straatwerk 'n nuusbrief uit om ons stories te deel, ondersteuners op hoogte te hou van verwikkelinge en te vertel van toekomstige projekte.

## Sosiale media

Ons gebruik sosiale media soos Facebook en Twitter om interaktief te kommunikeer, asook te netwerk met beide ons ondersteuners en die publiek in die algemeen.

## Besoekersgroepe

Ons fasiliteer besoeke van, onder andere, skole, universiteite en kerke.

## Vrywilliger koördinering

Ons begelei vrywilligers om deel te neem aan die uitrekprogram van hulle keuse en wat die beste vir hulle geskik is.

## Geleenthedsbeplanning

Ons reël al Straatwerk se funksies, partytjies, sosiale geleenthede en opleiding.



# Diensevangelisasie

## Naguitreike

By Straatwerk glo ons dat ons die woord en daad van evangelie moet balanseer. Tydens ons naguitreike skep ons diensgeleenthede waartydens gelowiges hulle "geestelike spiere" kan oefen. Ons fokus is op nederige diens, sonder om iets terug te verwag.

Diensevangelisasie wen die hart voor dit die gedagtes konfrontereer.

## Vrywilligers

Vrywilligers van verskillende kerkdenominasies neem deel aan die uitreike wat duur tot in die vroeëoggendure. Op hierdie manier versterk ons die verhouding tussen Straatwerk en kerke en streef so ook om 'n ware voorbeeld van die Liggaaam van Christus in aksie te wees.

## In-diens opleiding

Vir jeuggroepe, selgroepe en kerkgroepe wat vir die eerste keer saam met ons uitreik, fokus ons op praktiese opleiding voor elke uitreiksessie.

Sleutelwoorde in die naguitreike:

- teenwoordigheid;
- sigbaarheid;
- praktiese diens; en
- nie-konfronterend.

---

Dié naglewe het ons aan die ‘nag’ van die sondigheid in die lewe van die naglopers – soos ons hulle genoem het – voorgestel. ‘n Leefwyse waaraan die jeug van ons land al hoe meer blootgestel sou word en waarby sommige onskuldig en ander met oop oë betrek sou word. Baie van hulle sou ons pad kruis. Sommige sou ons vind in smerige, stinkende hole, ander in destydse verbeteringskole, in polisieselle, tronke, inrigtings vir dwelmslawe en alkoholiste, gesellinklubs en talle op die bote in die hawe. Daar was ook van hulle wie se lyke ons in die staatslykshuis sou moes gaan uitken.

In die vertrek waar ons bymekaargekom het om saam te gesels en te bid, het dit nog goed gegaan, daar tussen ons vriende in die Here. Maar wanneer ons daar uitgestap het, die donker en onbekende in, waar die onrustige, polsende musiek oorverdowend die onsekerheid en rebelsheid van die vasgevangde naglopers gevoed en meegesleur het dán het dit skielik koud geword buite en was ‘n mens so bewus van jou eie onvermoë en onbeholpenheid. Ons het uit ons plek gevoel. Ja, soms bang in die vreemde wêreld van oorverdowende musiek, die reuk van dwelms in die lug en die kruheid van vuil taal in ons ore.

(Geneem uit *Met Christus op Straat*, geskryf deur ds. Pietie Victor,  
stigter van Straatwerk in die sestigerjare.)

---

**Dade van liefde + woorde van liefde + God se perfekte tydsberekening = die fokus van hierdie uitreike.**

Deur diensevangelisasie kry gelowiges en die stukkende wêreld die geleentheid om mekaar te ontmoet, of beter te leer ken.

### Spesiale uitreike

Aksie Immanuel (spesiale Kersfeesuitreike)

Vanaf middel Desember tot Kersdag koördineer ons ‘n aantal uitreike. Vir baie mense is hierdie ‘n eensame tyd en die Here stuur ons na die gangetjies en stegies om mense te dien.

### Paasfeesuitreike

Tydens Paasfeestyd neem ons die boodskap van verlossing en vergifnis op verskeie kreatiewe maniere na die strate.

### Spontane uitreike

Verskeie groepe besoek ons om uitreike op straat te ervaar. Saam met die deelnemers stel ons maatpas programme vir elke groep op.

# Prostitusie: Voorkoming en herstel

Straatwerk se uitreike na vrouens vasgevang in prostitusie het reeds in die 1980's op die hawe van Kaapstad begin.

In die laat 1990's het die fokus geskuif na die vroue wat op straat prostitusie beoefen en so het ons ook die geleentheid gekry om betrokke te wees by kinder-gefokusde familie uitreike. Die huidige bediening het uit hierdie geleenthede gegroei.

Ons doel is om die plaaslike kerke betrokke te sien in:

- die voorkoming van diegene wat die risiko loop om betrokke te raak in prostitusie; en
- die herstel van diegene wat in prostitusie betrokke is.

Ons help gemeentes deur:

- inligting rondom gebedsversoeke te kommunikeer;
- koördinering van die *Waardevol vir Jesus* voorkomings veldtog;
- die skep en lei van uitrekgeleenenthede om sodoende die gemeentes te mobiliseer en op te lei;
- die bestuur van Projek Herstel; en
- ontwikkeling van *Journey of Hope* hulpbronne.

## CAN YOU SEE HER?

Can you see her? Will you let God show you?  
Her face instead of her clothes  
Her eyes instead of her body

Can you see her? Will you let God show you?  
She has a name instead of a label  
A broken heart instead of a hard one

Can you see her? Will you let God show you?  
The image of God instead of an object of scorn  
Her worth to the Saviour when there's no worth to the world

Can you see her? Will you let God show you?  
His heart of forgiveness instead of your heart that judges  
His blood that covers instead of our rules that condemn

Can you see her? Will you let God show you?  
And when you do see...what then?



Lisa DePalma Maunder





### Die boodskap van die poppies

- jy is liefdevol, handgemaak deur die Almagtige God;
- daar is niemand anders soos jy nie;
- jy is uiters waardevol, geen geld kan jou koop nie; en
- God wil jou veilig in die palm van Sy hand hou.

### Hoekom seuns ook poppies kry

Seksuele misbruik, prostitusie en pornografie kan met seuns ook gebeur. Hulle leer ook dat ware mans mooi omsien na vrouens en kinders.

# Voorkoming

## *Waardevol vir Jesus (WVJ) veldtog*

Ons glo dat God alle vorme van seksuele misbruik, prostitutie en pornografie wil uitwissel, deur gefokusde gebed en gedringde aksie deur plaaslike gemeentes.

## *Waardevol vir Jesus op die Kaapse Vlakte*

In samewerking met die plaaslike kerke neem ons die WVJ boodskap na plaaslike skole. Tans is daar 100 vroue wat aktief bid op die Kaapse Vlakte (Mitchell's Plein, Manenberg, Heideveld, Valhalla Park, Kalksteenfontein, Uitsig, Ravensmead en Athlone). Hulle neem ook deel aan die aanbiedings by skole in dié gebiede.

## *Waardevol vir Jesus nasionaal*

Hierdie veldtog het versprei na ander dele van die land. Ons faciliteer die proses en verskaf die hulpbronne aan deelnemers wat die program in hul eie gemeenskappe wil aanbied.

### Ons simbole



Jy is handgemaak deur God



God is lief vir jou



God het 'n wonderlike plan vir jou lewe



God se vyand wil jou lewe vernietig



Jesus wil jou hart heelmaak



Jy moet op God se uitnodiging reageer

---

Ongeveer 112 000 kinders regoor Suid-Afrika – 54 989 in die Kaapse Vlakte – is bereik met die WVJ boodskap.

Deur middel van die *Waardevol vir Jesus*-veldtog praat baie kinders oor hoe hulle misbruik is en word so genees.

---

# Herstel

Ons het 'n aantal inisiatiewe wat daarop gemik is om vroue uit prostitutie te roep, asook om deel te neem aan elkeen se lewensreis terwyl hulle die oorvloedige lewe in Christus ontdek.

## Uitreike

Spanne vanuit verskeie plaaslike kerke, ondersteun deur Straatwerk, reik uit na vrouens vasgevang in prostitutie. Op verskillende dae van die week kan die spanne gevind word in die Paarl, Parow, Bellville, Brooklyn, Athlone, Kenilworth en Kaapstad omgewing.

## Projek Herstel

Die doel van hierdie projek is om die plaaslike kerke toe te rus in hulle uitreike en herstel van vrouens vasgevang in prostitutie.

Dit bestaan uit die volgende programme:

- 3-vlak opleiding;
- werkswinkels;
- spanbyeenkomste (verskillende uitreikspanne leer en bid saam);
- internskappe;
- span mentorskap (op versoek); en
- administratiewe ondersteuning.

## *Journey of Hope*

Ons ontwikkel prosesse en programme om kerke by te staan in die dissipelskapsreis, insluitend:

Individuele holistiese dissipelskap (wat ook al die beste is vir die spesifieke situasie)

Wanneer 'n vrou besluit om die leefstyl van prostitutie agter te laat, stap ons saam met haar 'n pad en help haar met haar basiese en praktiese behoeftes, doelwitstelling, begroting en om gesond te leef, terwyl sy leer van die oorvloedige lewe in Christus.

## *Hope Recycling en Hands of Hope*

Dit is maniere waarop die vroue kan leer om op 'n menswaardige manier geld in die hand te verdien. Wanneer hulle items herwin en geld daarvoor ontvang, verdubbel Straatwerk die bedrag. Deur *Hands of Hope* kan hulle ook armbande maak en verkoop.



- God is lief vir jou. Hy wil hê jy moet Sy kind wees en vir altyd saam met Hom in die Hemel woon.
- Sonde skei ons van God.
- Jesus het vir ons sonde betaal toe Hy aan die kruis vir ons gesterf het.
- Ons is skoongemaak en vergewe van ons sonde wanneer ons Jesus as ons Verlosser aanvaar.
- Ons groei geestelik deur te bid, Bybel te lees en Jesus met ander te deel.
- Jesus sal terug keer op die wolke en Sy kinders saam met Hom neem.

### *Hope's Up*

Hierdie program gee aan borge die geleentheid om terselfdetyd twee verdienstelike sake te ondersteun: die opheffing van vroue asook 'n liefdadigheidsorganisasie. Wanneer 'n vrou toewyding, groei en stabiliteit wys, kwalifiseer sy om borge te ontvang as vergoeding vir haar vrywillige werk by, onder andere, die DBV en ouetehuise.

### *Growing in Hope*

Straatwerk bied 'n residensiële program aan vir 'n tydperk van drie tot ses maande, by die hoofkantoor in Parow. Hierdie program word aangebied in samewerking met die plaaslike kerke se uitreikspanne en bied beide inwonend, asook dagbesoeker opsiës.

---

Daar word weekliks tussen 70 en 80 vroue deur Projek Herstel-spanne bereik.

---



# Uitreikbediening na hawelose en desperate persone

## Inleiding

Ons glo ons is geroep om mense te help op hul reis na rehabilitasie, wat hulle situasie of verslawing ookal mag wees. Ons hoofdoel is om te sien dat dié mense in 'n omgemaatskappy van gelowiges verwelkom word en so ook volgelinge van Christus word.

Dink so daarvan: Individue wat 'n tekort het aan indiensneembare vaardighede, kan maklik vasgevang word in los en onstabiele lewens. Dit kan vergelyk word met los en droë sand wat nie gebruik kan word om iets stabiel en nuttig te produseer nie. Ophelp Projekte is soos die vermening van beton: sand, klip en sement, elk nie bruikbaar op sy eie nie, maar gesamentlik, met 'n bietjie water, kan dit gebruik word om stetige strukture te bou.

Kenmerke van Ophelp Projekte is:

- Projek Opruim/Die Jesus Saves Projek
- Skool van die lewe
- *Project Dignity*
- "Gegradueerde"
- *Project Homecoming*
- Beth Shalom

Ophelp Projekte is nie werkskepping vir werklose persone nie, maar die rehabilitering van persone wat nog nie kwalifiseer of in staat is om produktief en verantwoordelik op te tree nie. Ophelp Projekte help desperate persone, meestal hawelose mense om kontant in die hand te verdien deur harde werk as 'n alternatief vir aggressiewe bedelary, diefstal en ander misdaad.

Belangrike lewensvaardighede word oorgedra. Terwyl rommel en alles wat ongewens is van die strate verwyder word, word ongewensde dinge uit mense se lewens asook ongewensde sosiale omstandighede uit die gemeenskap opgeruim. Hulle word ook aangemoedig om dissipels van Jesus te word en om by 'n dissipelgroep aan te sluit. Ons noem hierdie ingryping die "skool van die lewe".

---

Laat die een wat steel nie meer steel nie, maar laat hom liewer arbeideur met sy hande te werk wat goed is, sodat hy iets kan hê om mee te deel aan die een wat gebrek het.

*Efesiërs 4:28*

---

## Projek Opruim/Jesus Saves

Ophelp Projekte spanne lewer hande-arbeiddienste deur ongeskoolde arbeiders onder die toesig van 'n voorman. Die spanne werk in skofte van vier ure.

Tipiese werk wat onderneem word:

- opruim van rommel;
- skoonmaakdienste tydens geleenthede;
- die oppas van geparkeerde voertuie by geleenthede; en
- op- en aflaai, asook verskuiwing van goedere.

JESUS  
SAVES

## Project Dignity/Instandhouding/Tegniese spanne

Project Dignity is vir individue wat die vermoë het om deel te neem, of selfs 'n klein besigheid te bestuur. Straatwerk bied 'n begeleidingsraamwerk om sulke dienste te bestuur, met die doel om hulle te vestig as klein, onafhanklike ondernemings.

Tipiese werk wat onderneem word:

- graffiti verwijdering;
- skoonmaak en ontruiming van leë geboue;
- knaagdierbeheer;
- verfraaiing (van tuine) en die snoei van bome;
- verspreiding van publikasies; en
- die skoonmaak van stormwaterpype.

Vullissakke wat gebruik word per week	ongeveer 920 sakke
Normale skofte per week	ongeveer 70 skofte
Dignity/ tegniese skofte per week	ongeveer 40 (insluitend pad-instandhouding en munisipale dreine)
Jesus Saves Daily skofte per week (skofte vir verstandelik en fisies gestremde persone)	5 skofte per week

## “Gegradueerde”

Hierdie is ‘n lys van individue wat hulself as verantwoordelike werkers bewys het en gereed is om die arbeidsmag te betree.

### *Projek Reclaim*

Ons pragtige natuurlike omgewing word vernietig deur besoedeling wat veroorsaak word deur desperate en onverantwoordelike persone wat in openbare plekke “rofslaap”. *Projek Reclaim* bied die geleentheid vir plaaslike gemeenskappe om te belê in die natuurlike skoonheid en waarde van hulle eie woongebiede. Die projek hoop ook om die menswaardigheid van desperate mense te herstel en daarom ook die waardigheid van die gemeenskap self.

Die beoogde uitkoms is dat die gebiede wat geraak word omskep sal word in pragtige tuine wat gereeld deur die publiek besoek sal word, skoon gehou sal word en misdaad vry is.

Tipiese aktiwiteite wat deur die deelnemers aan *Project Reclaim* onderneem word:

- die opruim van rommel;
- die skoonmaak van die omgewing;
- die skoonmaak van slegte gewoontes en slegte gesindhede;
- gemeenskapsinteraksie; en
- die verfraaiing van die omgewing.

### *Project Homecoming*

Die doel van hierdie projek is om behoeftiges en desperate persone die geleentheid te gee om “huis toe te kom” – ‘n aksie wat baie van ons as vanselfsprekend aanvaar – asook om die gemeenskap te inspireer om akkommodasie en behuising te vind vir sulke individue. Om hierdie doel te bereik, het ons die volgende praktiese voorbeeld:

#### Beth Shalom

Beth Shalom is ons eerste gemeenskaplike huishouding – ‘n plek om “huis” te noem. Inwoners word aangemoedig om na mekaar om te sien en verantwoordelikheid vir hul aandeel in die huishoudelike uitgawes te aanvaar. Die inwoners kom uit alle vlakke van die samelewing en streef daarna om mekaar by te staan, op te bou en saam geestelik te groei as volgelinge van Christus.

# Bestuurstruktuur van Straatwerk

Die beheerliggaam van Straatwerk:

- verseker dat die organisasie 'n duidelike visie, missie en doelwitte het;
- keur die jaarlikse begroting goed, stel onafhanklike ouditeure aan en ontvang die geouditeerde state;
- verseker dat daar duidelike en deursigtige terugvoer is rondom Straatwerk aangeleenthede;
- is verantwoordelik vir die algehele beleidvorming en aanvaar uiteindelike verantwoordelikheid vir alle aspekte van Straatwerk; en
- bied geleenthede vir gereelde evaluerings en vernuwing van programme.







## Raak betrokke

Om uit te vind hoe jy, jou kerk, jou vriende of jou gemeenskap werklik 'n verskil kan maak in die lewens van ander, skakel ons kommunikasie span by 021 930 8055 of e-pos [lisa@straatwerk.org.za](mailto:lisa@straatwerk.org.za). Ons bied 'n groot aantal opvoedkundige materiaal aan kerke, kleingroepe of individue, teen geen koste. Jy kan ook deelneem aan ons uitreikprogramme om eerstehands te ervaar wat ons doen. Alternatiewelik, vind ons aanlyn by [www.straatwerk.org.za](http://www.straatwerk.org.za) of op Facebook by [www.facebook.com/straatwerk](http://www.facebook.com/straatwerk).